



- PARLAMENT FBiH
- FEDERALNO MINISTARSTVO RADA I
SOCIJALNE POLITIKE

Broj: 02/3-31-4605/25
Tuzla, 12.03.2025. godine

PREDMET: Informacija sa Zaključkom Vlade Tuzlanskog kantona, dostavlja se

U prilogu akta dostavljamo Vam Informaciju u vezi sa provedbom Zakona o materijalnoj podršci porodicama s djecom u Federaciji Bosne i Hercegovine sa Zaključkom Vlade Tuzlanskog kantona broj: 02/1-31-4605/25 od 11.03.2025. godine.

S poštovanjem,

DOSTAVITI

1 x Naslovu
1 x Evidenciji
1 x a/a



SEKRETAR VLADE

Enver Ćosićkić

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primijeno: 18-03-2025			
Org. jed.	Broj	Priloga	Vrijednost
01 02	-02-	1163	/24.

BOSNA I HERCEGOVINA
Federacija Bosne i Hercegovine
TUZLANSKI KANTON
V L A D A

Broj: 02/1- *31-4605/25*
Tuzla, 11.03.2025. godine

Na osnovu člana 5. i 29. Zakona o Vladi Tuzlanskog kantona ("Službene novine Tuzlanskog kantona", br. 17/00, 1/05, 11/06, 13/11 i 15/17), Vlada Tuzlanskog kantona na sjednici održanoj dana 11.03.2025. godine, donosi

ZAKLJUČAK

I

Prihvata se Informacija u vezi sa provedbom Zakona o materijalnoj podršci porodicama s djecom u Federaciji Bosne i Hercegovine, dostavljena uz akt Ministarstva za rad, socijalnu politiku i povratak Tuzlanskog kantona broj: 09/1-31-4605/25 od 03.03.2025. godine.

II

Traži se od Parlamenta Federacije Bosne i Hercegovine i Federalnog ministarstva rada i socijalne politike da predlože i donesu propis iz člana 46. Zakona o materijalnoj podršci porodicama s djecom u Federaciji Bosne i Hercegovine.

III

Informacija iz tačke I ovog Zaključka uputit će se Parlamentu Federacije Bosne i Hercegovine i Federalnom ministarstvu rada i socijalne politike.

DOSTAVITI:

- 1 x Parlamentu FBiH
- 1 x Federalnom ministarstvu rada i socijalne politike
- 1 x Ministarstvu za rad, socijalnu politiku i povratak
- 1 x Evidenciji
- 1 x a/a



PREMIJER KANTONA

Irfan Halilagić
Irfan Halilagić



Informacija

u vezi sa provedbom Zakona o materijalnoj podršci porodicama s djecom u Federaciji Bosne i Hercegovine


U sklopu reforme sistema socijalne zaštite u Federaciji Bosne i Hercegovine prije nekoliko godina započet je proces donošenja propisa za prava i usluge iz oblasti socijalne zaštite, zaštite civilnih žrtava rata i zaštite porodice sa djecom. Tako je 2022. godine donesen Zakon o materijalnoj podršci porodicama s djecom u Federaciji Bosne i Hercegovine („Službene novine FBiH“ br. 52/22 i 58/24) kojim je, u članu 46. (Pravo na naknadu plate porodilji u radnom odnosu) propisano da će se „Naknada plate porodilji za vrijeme dok odsustvuje s posla radi trudnoće, porođaja i njege djeteta nastaviti isplaćivati u skladu s kantonalnim propisima iz oblasti socijalne i dječije zaštite do donošenja posebnog propisa u skladu sa odredbama Zakona o radu, kojim će se ovo pravo reintegrirati u sistem prava iz radnog odnosa i socijalnog osiguranja, a najkasnije do tri godine od dana stupanja na snagu ovog zakona“.

Zakon o materijalnoj podršci porodicama s djecom u Federaciji Bosne i Hercegovine je stupio na snagu 09.07.2022. godine, te je shodno naprijed navedenom, 09.07.2025. godine krajnji rok do kada će se naknada plate porodilji isplaćivati u skladu s kantonalnim propisima, odnosno rok za donošenje posebnog propisa u skladu sa odredbama Zakona o radu, kojim će se ovo pravo reintegrirati u sistem prava iz radnog odnosa i socijalnog osiguranja.

Koliko nam je poznato nadležno Federalno ministarstvo rada i socijalne politike nema pripremljen poseban propis kojim bi se uredila ova oblast, a niti su obezbjeđena sredstva kako bi, nakon donošenja posebnog propisa, nadležni organi iz oblasti socijalnog osiguranja mogli isti provoditi.

Budući da je u Tuzlanskom kantonu ostvarivanje prava na naknadu umjesto plate zaposlenim porodiljama kao i povrat sredstava (refundacija) poslodavcima uplaćenih naknada umjesto plate, doprinosa i poreza godinama redovno, izražavamo zabrinutost za ostvarivanje tih prava od 09.07.2025. godine, ukoliko se, u skladu sa članom 46. Zakona o materijalnoj podršci porodicama s djecom u Federaciji Bosne i Hercegovine ne donese poseban propis u skladu sa odredbama Zakona o radu, kojim će se pravo na naknadu umjesto plate reintegrirati u sistem prava iz radnog odnosa i socijalnog osiguranja, gdje na koncu i pripadaju.

S toga tražimo da Vlada i Skupština Tuzlanskog kantona traže od Parlamenta Federacije BiH, Vlade Federacije BiH i Federalnog ministarstva rada i socijalne politike da se odredba člana 46. Zakona o materijalnoj podršci porodicama s djecom u Federaciji Bosne i Hercegovine ispoštuje, kako Tuzlanski kanton ne bi došao u situaciju da, zbog nepostojanja propisa, zaposlene porodilje ne mogu ostvarivati pravo na naknadu umjesto plate za vrijeme trajanja porodijskog odsustva.



MINISTAR

Fadil Alić

Fadil Alić

Dostavljeno:

1x Vlada TK

1x Evidencija

1x Arhiva

ovoga zakona i kojima će utvrditi i druga prava u skladu s odredbama stava (3) člana 10. ovoga zakona.

Član 46.

(Pravo na naknadu plate porodilji u radnom odnosu)
Naknada plate porodilji za vrijeme dok odsustvuje s posla radi trudnoće, porođaja i njege djeteta će se nastaviti isplaćivati u skladu s kantonalnim propisima iz oblasti socijalne i dječje zaštite do donošenja posebnog propisa u skladu s odredbama Zakona o radu, kojim će se ovo pravo reintegrirati u sistem prava iz radnog odnosa i socijalnog osiguranja, a najkasnije do tri godine od dana stupanja na snagu ovog zakona.

Član 47.

(Nepreuzimanje obaveza kantona za neisplaćene iznose)
Ovim zakonom ne preuzimaju se obaveze kantona za neisplaćene iznose novčanih primanja porodica s djecom, ostvarene po propisima koji su se primjenjivali u Federaciji do dana početka primjene ovoga zakona.

Član 48.

(Rokovi za donošenje podzakonskih akata)
Federalni ministar rada i socijalne politike će u roku od tri mjeseca od dana stupanja na snagu ovoga zakona donijeti provedbeni akt kojim će propisati obrazac za podnošenje zahtjeva i potrebnu dokumentaciju za ostvarivanje prava na dječiji dodatak.

Član 49.

(Prestanak primjene odredbi Zakona o osnovama socijalne zaštite, zaštite civilnih žrtava rata i zaštite porodica s djecom i Zakona o hraniteljstvu)

Danom početka primjene ovoga zakona prestaje primjena odredbi iz čl. 87-96. Zakona o osnovama socijalne zaštite, zaštite civilnih žrtava rata i zaštite porodica sa djecom ("Službene novine Federacije BiH", br. 36/99, 54/04, 39/06, 14/09, 45/16 i 40/18) i člana 53. Zakona o hraniteljstvu u Federaciji Bosne i Hercegovine ("Službene novine Federacije BiH", broj 19/17).

Član 50.

(Stupanje na snagu)

Ovaj zakon stupa na snagu osmog dana od dana objave u "Službenim novinama Federacije BiH", a počeo će se primjenjivati tri mjeseca nakon stupanja na snagu Zakona.

Predsjedavajući
Doma naroda
Parlamenta Federacije BiH
Tomislav Martinović, s. r.

Predsjedavajući
Predstavničkog doma
Parlamenta Federacije BiH
Mirsad Zaimović, s. r.

Temeljem članka IV.B.7. a)(IV) Ustava Federacije Bosne i Hercegovine, donosim

UKAZ

O PROGLAŠENJU ZAKONA O MATERIJALNOJ POTPORI OBITELJIMA S DJECOM U FEDERACIJI BOSNE I HERCEGOVINE

Proglašava se Zakon o materijalnoj potpori obiteljima s djecom u Federaciji Bosne i Hercegovine, koji je usvojio Parlament Federacije Bosne i Hercegovine na sjednici Zastupničkog doma od 6.6.2022. godine i na sjednici Doma naroda od 26.5.2022. godine.

Broj 01-02-1-311-01/22
29. lipnja 2022. godine
Sarajevo

Predsjednik
Marilako Čavara, v. r.

ZAKON

O MATERIJALNOJ POTPORI OBITELJIMA S DJECOM U FEDERACIJI BOSNE I HERCEGOVINE

DIO PRVI: TEMELJNE ODREDBE

Članak 1.

(Predmet Zakona)

- (1) Ovim zakonom uređuju se osnove materijalne potpore obiteljima s djecom, utvrđuju se temeljna materijalna prava za potporu obiteljima s djecom, postupak, uvjeti i način ostvarivanja prava, financiranje materijalne potpore obiteljima s djecom, nadzor i druga pitanja od značaja za ostvarivanje materijalne potpore obiteljima s djecom u Federaciji Bosne i Hercegovine (u daljnjem tekstu: Federacija).
- (2) Izrazi koji se koriste u ovom zakonu, a koji imaju rodno značenje, bez obzira jesu li korišteni u muškom ili ženskom rodu, obuhvaćaju na jednak način muški i ženski rod.

Članak 2.

(Pojam materijalne potpore obiteljima s djecom)

Materijalna potpora obiteljima s djecom, u smislu ovog zakona, podrazumijeva potporu kroz materijalna davanja, a radi pomaganja u podizanju, odgoju i zbrinjavanju djece kao i u njihovom osposobljavanju za samostalan život i rad.

Članak 3.

(Cilj materijalne potpore obiteljima s djecom)

Materijalna potpora obiteljima s djecom ima za cilj da se svojoj djeci osiguraju približno jednaki materijalni uvjeti za zdrav i pravilan psihofizički razvoj u obitelji.

Članak 4.

(Značenje pojedinih izraza u Zakonu)

Pojedini izrazi, u smislu ovog zakona, imaju sljedeće značenje:

- a) Dijete je osoba do navršenih 18 godina života.
- b) Zakonski zastupnik djeteta u smislu ovoga zakona je roditelj djeteta, odnosno osoba koju je, sukladno odredbama Obiteljskog zakona Federacije Bosne i Hercegovine, nadležno tijelo skrbništva postavilo za skrbnika djeteta;
- c) Obitelj je životna zajednica roditelja i djece, te drugih krvnih srodnika, srodnika po tazbini, usvojitelja i usvojenika i osoba iz izvanbračne zajednice ako žive u zajedničkom kućanstvu;
- d) Zajedničko kućanstvo je ekonomska zajednica jedne ili više obitelji čiji su članovi prijavljeni na istoj adresi prebivališta i u kojoj se zajednički stječu i troše novčana i druga materijalna sredstva, stečena radom i korištenjem zajedničkih materijalnih dobara;
- e) Prihodom se smatraju:
 - 1) prihodi koji su uređeni propisima o porezu na dohodak;
 - 2) starosna, invalidska i obiteljska mirovina;
 - 3) primanja po propisima o boračko-invalidskoj zaštiti, zaštiti civilnih žrtava rata i zaštiti osoba s invaliditetom;
 - 4) naknada za vrijeme trajanja neuposlenosti;
 - 5) prihodi po osnovu obveznog izdržavanja;
 - 6) prihodi po osnovu naknada za udometeljstvo, odnosno skrbništvo;
 - 7) prihodi po osnovu životnog osiguranja i
 - 8) prihodi od nasljedstva.